

## Des Klagspiegels.

## LXVIII

¶ Also formier dein klage.

¶ Herr Richter/ich klage eüch von. L. als ich von jm kauffen wolt/eyn sölliches pferdt vmb sechs gulden/bat mir der selb. L. gelogen vom pferdt/vnnd bat geproche/es ziehe im karren vn̄ im wagen/das doch also nit ist/vn̄ mich also argwissentlich betrogen vnd überfür/das ich das pferdt von jm gekauft hab vmb acht gulden/wan̄ ich nün zwen gulden vmb dz genant pferdt mehr geben hab/dan̄ ich mir fürgefert herr durch sein betriegen. Bitt. zc. erkennē das er mir zwen gulden wider sol geben. zc.

ff. de act. emp. iulianus §. si venditor.

¶ In dem andern casus/als so ich eyn hab gekauft hab/vnd bin̄ betrogen über das halbreyl des rechten werts/das ist des geltas/das du darumb geben hast.

¶ In dem selben casus/formier also dein klage.

¶ Herr Richter/ich klage eüch von. A. der hatt mir eyn söllichs pferdt zükauften geben vmb. viij. pfundt/vnd dar zü übergeben/es ist aber nür acht pfund wert gewesen/wan̄ ich nün betrogē worde bin̄ über das halb reyl rechts werts. Bitt. zc. erkennen das er mir sol wider geben die vier zehen pfundt/wan̄ ich bin̄ bereyt jm das pferdt wid̄ zü geben. Wo er aber nicht will das diser contract abgeschritten oder für nichten geteyle werde/dz er mir dan̄ wider gebe die sechs pfundt/die ich jm geben hab über den rechten werde.

¶ Werek/wiewol zimlich ist/das die kauffer vnd verkauffer eynander betriegen mögen on arglistigkeyt. Sie mögen aber doch eynander nit betriegen über den halben reyl rechts werts/vnd wo sölliche betriegung geschicht/sie mag abgetriben werden durch dise klage.

ff. de minor. l. in casu se §. pomp.

¶ Das neünd capitel vom kauffen/würt geben wider den verkauffer/so dem kauffer die gekauft habe vor gericht abbehalten würt.

¶ Also formier dein klage.

¶ Herr Richter/ich klage eüch von. A. der hat mir alda eyn wisen zükauften geben/vn̄ den besitz auch übergebē vmb zehen pfundt/die ich jm bezalt hab. L. n̄ bat. B. die genantē wisen mir als für sein eygen gürt vor dem richter abgewunnen mit vrtel/vnd als ich dem genanten. A. bei zeit genüg verkündt hab/dz er kome/vn̄ mich beschirm im rechten/das mir die habe mit angewunne werd/vnd mir söllichs schadt. viij. pfundt/dz mir die wisen abgewunnen ist. Bitt. zc. erkennen das er mir die genanten zwölff pfundt soll geben/vnd das ers thū zc.

C. d. rescin. ven. l. ij. ff. de euc. l. eucitra.

¶ Item/wie man verkünden soll/vnnd der verkauffer die sach beschirmen soll. Sicut Azonem de euictionibus.

¶ Das. v. capitel von dem kauffen gebürt das/dzim kauffgedinge worden ist vom verkauffer/das söllichs erfüle werd/vnd in dem formier also dein klage.

¶ Herr Richter/ich sag eüch das. A. hat mir zükauften geben eyn söllichs pferdt vmb zweynzig pfundt/vn̄ als bald hat er mir verheissen züschreiben eyn zedel/wan̄ ich nün das genant gelt/dem genantē. A. geben vnd bezalt hab/oder bin̄ bereyt jm söllichs zü bezalen. Bitt. zc. erkennen das er mir den genanten zedel sol schreiben/will ers aber nit schreiben/das er mir mein schaden sol ablegen oder bezahlen/den ich schätz. v. pfundt/vnd das ers thū/zwiget in zc.

ff. de pac. ture gen. tit. §. quinimmo.

## De actione ex vendito.

¶ Von verkauffen.

¶ Als dem kauffer mit der vorgeschriben klage geholffen würt/also würt dem verkauffer geholffen zü vordern das gelt vom kauffer/mir disen klagen.

¶ In dem ersten capitel formier dein klage also.

¶ Herr Richter/ich klage eüch das ich. A. zükauften geben hab eyn söllichs pferdt/vmb zweynzig pfundt/der münzge/vnd wan̄ ich bereyt bin̄ dem genantē. A. das pferdt zü übergeben.

N n ij